



lönesc, ai 29 de jügn: San Pire y San Paul
 ales 07:30 prozesciun da San Linert sö La Crusc,
 ales 09:30 santa messa
 dales 10:00 ales 12:00 ores d'adoraziun do vocaziuns,
 ales 12:00 benedisciun y conclujiun.

Le lift da La Crusc é en funziun dales 08:30 ales 17:30.

 **Enformaziuns y termins**

Preparaziun al Bato: la Uniun dles Eres Catoliches de nosc decanat invieia düc i geniturs co á n picio möt o na picia möta da bacé, pers che aspeta, toc y totes ala preparaziun dal Bato la **sabeda ai 11 de iuli** dales 15:00 a les 17:00 a **Corvara**, salf de calogna. Deboriada orunse aprofondí l'importanza de cösc sacramont, presenté le ritus y splighé i simboi dal Bato. Preibel se prenoté pa Lucia, ☎ 334 3200396.

KVW-Seniorenclub: en dedemesaledema ai 1. de iuli piunse ia ales 8:15 dal Cone demez con le Mareobus por jí sö Pe de Börz y da danló a pe ala Ücia de Pecol.

Doturs: la doturia Stefania Febraro lascia alessei che ara é demez dai 1 ai 5 de iuli. **Le dotur Eduard Agreiter** é spo demez dai 8 ai 17 de iuli. Entrami ven sostituis dala doturia Mahlknacht, da ciaté al ☎ 349 0667034.

Museum Ladin: en gaujiun dla Trienala Ladina 2026 envieia le Museum Ladin Ciastel de Tor a n iade creatif ala descurida dal monn sonur ladin soghenn danter le rondeni dal passé y dal present. Na vijita menada ala mostra de ert contemporana y laboratore creatif con Silvia Baccanti por mitans y mituns da 6 agn ensö, acompagnés da en adult cina 8 agn. L'apuntamont é por 4 les jöbies ai 9.07., 23.07., 06.08. y 27.08., entres dales 16:00 ales 18:00. Cost:10,00 €. Preibel da se prenoté al ☎ 0474 524020 o con na email a prenotaziuns@museumladin.it

**Nia ne renforza en chescian deplü
 co la creta ch'an ti desmostra.**

Adolf von Harnack

Döt le bun a:	Vesco Ivo Muser	ordinaziun 28.06.1987
	Signor Klaus Sottsas, <i>ploan</i>	ordinaziun 28.06.2008
	Signor Heinrich Ellecosta, <i>San Ciascian</i>	ordinaziun 29.06.1964
	Signor Heinrich Perathoner, <i>curat</i>	ordinaziun 29.06.1968
	Signor Iaco Ploner, <i>San Martin</i>	ordinaziun 29.06.1971
	Signor Iaco Willeit, <i>degan</i>	ordinaziun 29.06.1972
	Signor Tone Fiung, <i>Ritten</i>	ordinaziun 29.06.1980
	Sr. Alma Morlang, <i>Roma</i>	* 04.07.1933
	y a düc chi co á santennom y complesc i agn cöst'edema	

Impressum: Ploania d'La Pli; redaziun Franz Rigo, Roman Frontull
Comunicaziuns: cina le dedemesaledema sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org



**Plata dla Ploania
 La Pli de Mareo
 Santa Maria dal Bun Consei**

Ploan: Signor Klaus Sottsas
 ✉ klsottsas@rolmail.net

Calogna Al Plan: ☎ 0474 501006
 Radio de Ploania: 93,00 MhZ

UNITÉ PASTORALA



VAL BADIA
 www.unitepastorala.org

Ann A

28.06.2026 - 13. domegna ia por l'ann

n. 31

Dé alberch de cör - se azeté önn l'ater

 **2 Resc 4, 8–11.14–16a | Rom 6, 3–4.8–11 | Mt 10, 37–42**

Al nes ven ert sora a dé de cör alberch a jont ch'i ne cunescion nia o nes porta nia en profit. Plü dadío se sontín debit da dé alberch a en foresto, na te' cossa gnea odüda desco na scincunda de Chel Bel Dio. La storia dal profet Eliséo, cuntada tal secundo liber dai Resc, nes mostra che dé alberch se paia y ven retü (1ª letöra). Por Gejú é dé alberch en segno d'amur. Y el dij che cösc ne dess nia ma gní dant pa parontela y amisc, mo rodunt ince pa chi co ne porta nia, por dí, jont debbla, püra, de nia gran emportanza, mo co nes recorda la bona noela dal Signur, co ti dá a vignönn le premio co ti aspeta por la bona opera (Vangelo). San Paul nes recorda che Chel Bel Dio nes é gnü adencuntra con tan de ben: desco bacés sunse porsones co vir por Chel Bel Dio por grazia de Gejú Crist (2ª letöra).


Dal Vangelo do San Mateo:

Te chel tomp á Gejú dit a sü discepui. ³⁷Chel co ti ó plü bun al pere y ala oma co a me, n' é nia degn de me, ³⁸y chel co ti ó plü bun al fi o ala fia, n' é nia degn de me. Y chel co ne tól nia söa crusc sön el y ne mo ven nia do a me, n' é nia degn de me. ³⁹Chel co ó davagné la vita, la pordará; chel endere co pordará la vita por mia gauja, la davagnará. ⁴⁰Chel co ves tól sö os, chel tól sö me, y chel co tól sö me, tól sö chel co m'á mené. ⁴¹Chel co tól sö n profet, deach'al é n profet, gnará recompensé desco n profet, y chel co tól sö n iüst, deach'al é n iüst, gnará recompensé desco n iüst. ⁴²Y chel co ti dá a önn de chisc pici, ince ma önn n goto d'ega fresca da bere, deach'al é n discepul, – Amen, iu ves diji: al ne pordará dessogünonia so paiamont.



**Chel co ti dá a önn de chisc pici,
 ince ma önn n goto d'ega fresca da bere,
 deach'al é n discepul, chel ne pordará
 dessogünonia so paiamont.**

Mt 10, 42

 **Letöres dla 14. domegna ia por l'ann:**
Zac 9, 9–10 | Rom 8, 9.11–13 | Mt 11, 25–30

Edema liturgica dai 28.06. ai 05.07.2026	
DOM 28.	13. domegna ia por l'ann <i>Ireneus, Eckhard</i> 08:15 gran messa por dōta la ploania → oferta "Obolo de San Pire" s.m. por † Jep Palfrader, Mone s.m. por †† Deto y Maria Fiung, Longega 10:00 <i>gran messa a Al Plan</i>
Lön 29.	GRAN FESTA DAI APOSTUI SAN PIRE Y SAN PAUL, "Gran San Pire" 19:00 s.m. en onú de San Pire y San Paul s.m. por les families Facchini y Stuffer s.m. d'aniversar por † Jan Ellecosta, Stifler s.m. por † Angelo Taibon, Gran Ciasa
Ded 30.	<i>I pröms martirs da Roma, Otto da Bamberg</i> 07:30 s.m. a Antermeia
Dem 01.	<i>Otto, Dietrich</i>
Jöb 02.	fešta dla vijita de Santa Maria a Elisabeta - de d'oraziun do vocaziuns 07:30 s.m. a Rina → 19:00 corona por perié do vocaziuns
Ven 03.	pröm vendres - fešta de San Tomesc apostul 07:30 s.m. a Al Plan
Sab 04.	<i>Sabeda de Santa Maria Ulrich, Elisabeta dal Portugal, Berta, Pier Giorgio Frassati</i> → → 08:15 s.m. de rengraziament dla fam. Lois y Hannelore Pedevilla, Soröa s.m. por † Pepi Erardi, Marô s.m. por familia Rabensteiner, Valsperch 18:00 s.m. <i>prefestia a Al Plan</i>
DOM 05.	14. domegna ia por l'ann <i>Antonius Maria Zaccaria, Letizia</i> 08:15 gran messa por dōta la ploania oferta por la ploania s.m. por † Angelo Maneschg, La Costa dessot s.m. por † Jep Ellecosta, Stifler 10:00 <i>gran messa a Al Plan</i>
<i>ministronc:</i>	lönesc y sabeda: Nicole Erlacher y Lena Palfrader domegna: Max Feichter y Jan Palfrader, Damian Rigo y Francesco Obojes
<i>i recordun:</i>	Jep Palfrader, Mone † 04.07.2017

Periun! Dio, nosc Pere, tal bato aste fat fora de nos fis dal lominus: no nes lascé tomé tla scürité dal picé, mo deidesse resté tla löm de töa verité. Do cösc te periunse por nosc Signur Gejú Crist, to Fi, co é Dio y vir y regneia con te tl'unité dal Spirito Sant por düc i secui dai secui. – Amen.



Le paraisc te n goto (Mt 10, 37–42)

I ponsi do

Sc'i ti jun do a Gejú fajenn na vita plena de bonté y d'amur podunse ester sogüsc ch'ara n'é nia sciürada demez. Vire ensciö ó dí ti porté Gejú ai atri y ti dé la poscibilité da le tó sö te so cör. Al n'é nia rio o compliché: al basta en picio segno sonzier y sciompl de ciarité.

I preii ensciö

Ci é pa en goto d'ega, Signur, en confront ala gran meseria sön cösc monn. Al n'oress ester en gröm de litri por che tan de jont ne moriss nia da sei y an adorass miliardi de pans por nudrí la fan tal monn. Tö endere empormetes en paiamont ince a chi co ofresc ma en goto d'ega ... y nos sán che to paiamont é dagnora straordinar. Tö, Gejú, ciars al cör y al'entenziun d'amur ch'i metun te nosc comportamont. Tö se damanes ma da se daorí al debojúgn de nüsc fredesc, da ester sensibli a sü scrais de dolur, da odei te ei töa presenza. Eco ciodi che ara á na te gran valüta empü d'ega fresca: ara é ponsada por te. T'es pö tö chel ch'i tratun da amich y da fré canche i ti daoriun la porta a nüsc fredesc. Cösc é ci co cunta!

Walter Cazzaniga, Parola amica – Il Vangelo della domenica per ragazzi



Der eine, der andere - Meditation

Zwei Männer aus der Heiligen Schrift.

Petrus der eine – und **Paulus** der andere.

Sie kannten sich.

Sie waren miteinander verbunden.

Sie waren unterschiedlich:

Petrus war von Beruf Fischer.

Paulus war von Beruf Zeltmacher.

Petrus hat die Christen nicht verfolgt.

Paulus hat die Christen zuerst verfolgt.

Petrus war eher konservativ.

Paulus war mehr progressiv.


Petrus kannte Jesus persönlich.

Paulus kannte Jesus nur vom Hörensagen.

Beide stritten für die Gute Sache „Jesus“.

Beide lebten für Jesus Christus.

Beide starben für Jesus Christus.



Mögen sie ruhen in Frieden,
ohne Zank und Streit über Gott und die Welt.

Peter Schott (Ideenwerkstatt Gottesdienste Nr. 4/2023 – Herder)